

# Шарма гор

Кузь нэм да бур шуд!

Эжва йывса войтырлөн газет



Петö 1929 восянь

Четверг, 2013 вося ноябр 28 лун 142 (10729)-öд №

Водз ытшкөм турунөн йöлыд уна (коми шусьöг)

## СÖВМАН ТУЙВИЗЬ

Ноябр 26 лунö районса администрациялөн ыджыд залын, район пасьтаыс йöзлөн чукортчылöмөн, видлалісны 2014 во да 2015-2016 вояслөн урчитöм кад кезлö районса бюджетлыс бала.

Водзкывйөн сёрнитіс районса юралыс - районса администрацияөн веськöдлыс Д.А.Шатохин. Сійö висьталіс, мый сяммисны вöчны районын талун кезлö, мый урчитісны водзö вылö, мый колö кутны тöдвылын медводз. Гөгöрвоана, мый республика отсöгтöг оз коль, но колö кызд позьö унджык нажöвитны да пуктыны бюджетö аслыс районлы, мед позис кутны водзö сөвман туйвизь. Тайö артмас сөмын дзик став котырлөн бура уджалöмөн, производство юкөннын содтысьöмөн, выль уджалан местаяс восьтöмөн. Тöдчана мог сыын, мед бюджетса сьöм муніс ставнас коланторьяс вылö.

Районса бюджетлөн балаөн тöдмöдіс районса администрацияыс сьöм кузя управлениеса начальник Л.М. Чаланова. 2014 во кезлö урчитöма 1 миллиард 117 миллион 919 сюрс шайт доход да 1 миллиард 122 миллион 719 сюрс шайт рөскод.

Район водзö кутас уджавны районса администрацияөн вынсьöдöм вит программа серти. Тайö экономика сөвмöдöм, территория сөвмöдöм, районсö социальнöя сөвмöдöм, муниципалитетөн веськöдлöм, видзчысьтöм лöмторьясыс дорйысьöм.

Кыв шутöг, медся тöдчанаыс экономика сөвмöдöм, сійö ставлы подув. Уна сьöм вайö вөр лэдзöм да сыыс прöдукция вöчöм. Водзö топыд йитöдьяс лöоны районлы отсасысь «Монди Сыктывкарса ЛПК» комбинаткөд. Ыджыд тöдчанлун сетасны видз-му овмөс юкөнлы, торйөн кө, выль скöт картаяс кыпöдöмлы, бур скöтöс лөсьöдöмлы. Отсаласны водзö сөвмыны ичöт да шöр бизнеслы, мый вылö урчитöма 1 миллион 800 сюрс шайт.

Сёрнитны кө территория сөвмöдöм йылысь, та вылö веськöдасны 118 миллион 238 сюрс шайт. Медся ыджыд тöдчанлун туйяс бурмöдöмлы, ваён да электроэнергияөн могмöдöмлы, лөп-өг меститаніньяс лөсьöдöмлы, оланіньяс бурмöдöмлы. Сідз, урчитöма эштöдны Кулöмдінын 24 патераа олан керка. А туйяс дзоньталöм вылö веськöдасны 21,9 миллион шайт.

Районсö социальнöя сөвмөдан программа олөмө пöртöм вылö мунас 848,7 миллион шайт. Тайö юкөнас медыджыд тöждлун - материалнöя подув ёнмöдöм. Сідз, культуралы вичмöдасны 76 миллион шайт. Кыпöданторьяс лыдын Донын да Немдінын клубьяс. Водзö сөвмасны физкультура да спорт, та вылö торйöдасны 7,6 миллион шайт.

Муниципалитетөн веськöдлöм вылö урчитöма 2 миллион 491 шайт. 1 миллион шайт мунас ашпöр веськöдлан котырьяслы, кодьяс сиктьяслөн да посёлокьяслөн олөмын босьтöны пыр ыджыдджык тöдчанлун. Районса юралысьлы урчитöма 1 миллион 629 сюрс шайт. Оз вунöдны районса пыдди пуктана йöзлысь ним новлысьясöс. Налы урчитöма 52 сюрс шайт.

Водзö пöртасны олөмө странаса президентлыс «майса» указьяс, кодьяс лыдын медся тöдчанаыс - социальнöя юкөнны бергöдчысьяслыс удждон кыпöдöм. Велöдысьяслыс шöркодь удждон урчитöма вайöдны 34,6 сюрс, садьясын уджалысьяслыс 27,8 сюрс, музыка велöдан школаса уджалысьяслыс 44,7 сюрс, спорт юкөннын содтöд тöдöмлун сетысьяслыс 46 сюрс, культура юкөннын уджалысьяслыс 21,1 сюрс шайтöдз.

Сёрнитантор кузя вöлі уна юалöм. Республикаса юралысьлөн районса общественнöя примитанінөн веськöдлыс А.А.Кузнецовалөн, «Парма гор» газетса главнöя редактор В.Г.Лодыгинлөн, районса администрациялөн общественнöя сөветөн веськöдлыс А.И.Кулясовлөн, предпринимательяс да райсöветса депутатьяс В.Н.Сметанинлөн да Р.В.Трегьяковлөн, Помöсдінас олыс М.В. Курочкинлөн да мукöдлөн юалöмьяс вылö вочавидзисны районса юралыс Д.А.Шатохин, районса администрацияөн веськöдлыс медводзса вежыс Е.А.Стяжкина, районса администрацияөн веськöдлысьöс вежысьяс И.В.Попов да А.И.Федюнёва.

Чукортчылысьяс кывкөртісны, мый видлалан балаыс шогмана, сійöс позяс сетны депутатьяслы вынсьöдöм вылö.

Содтам, мый водзынджык баласö видлалісны райсөветлөн чукортчылöм вылын.

Василий ЛОДЫГИН.

Мый бурис миян районын, кутшöм сьöкыдлуньясөн паныдасьлöны сиктсаяс, волісны тöдмавны Войвыв Норвегия королевстволөн Арктикаса университетыс профессор Тур Гертсен да координатор Валерия Гертсен, кодьяс туялöны войвыв регионьяслыс сөвмөм, а сідзжö Изьва районныс «Изьватас» котырөн веськöдлыс Николай Рочев. Ылі гөсьтьяс кутасны велöдны ашпöр уджö босьтысьясöс. Районса администрация котыртас тайö велöдчöмсö локтан вося январын.

- Миян университет ёртасьö войвыв странаысса университетьяскöд, школаяскöд, на лыдын и Сыктывкарса да



## НОРВЕГИЯКÖД ЁРТАСЬÖМÖН

Ухтаса университетьяскöд. Уджалам Якутияын, Мурманскын да Архангельскын. Тöдмалам, кызди сөвмöны войвыс регионьясын социальнöя юкөн да экономика. Шуам, тиян районö «Монди СЛПК» котыр вайис выль техника, уна олысь коліс уджтöг. Донсаяслөн чукортчылігөн кылім, мый лёка уджалö связь, «Ростелеком» оз нюжöд сэтчö оптико-волоконнöя йитöд. Тьрмытöмторьяс эмöсь и биөн могмöдöмын. Ыджыд котырьяс омö-

яс паныдасьлöны тшöкыдджыка. Сиктын кө олөм оз ло, карсаяслы нинöм лө сёйны. Кар, көні ыджыд котырьяс, сикттöг овны оз вермы, - пасийс Валерия Гертсен.

Валерия да Тур Гертсеньяс республикаын медводз тöдмасисны Изьва районса олысьяслөн тöждьяс-могьясөн, велöдісны районса администрацияс. Вöліны и Көрткерөсын. Ноябрьн районса юралыс Д.А.Шатохин ветліс Норвегияö да вöлі конференция вылын, кодöс нуöдіс

курсын петкөдчöм йылысь.

Предпринимательяслы да ашпöр уджö босьтысьяслы быдсикас отсöг да юбрьяс сетан шöринлөн уджөн тöдмöдіс веськöдлыс Ольга Аргентова. Ылі сиктьясын абу интернет, и буретш шöринын позьö тöдмасыны выль юбрьясөн, уджавны компьютерьяс отсöгөн, котыртны киподтуя йöзлысь выставкаяс. Тани жö отсалöны гижны балаяс, сетöны консультацияяс. Ольга Аргентова сідзжö пасийс, мый мартсянь республикаса юралысьлөн общественнöя примитанінын уджалö предпринимательяслыс право дорьян уполномоченнöя, код дорö шöрин пыр юалöмьясөн, алясьöмгьясөн, мытшöдьясөн вермасны шыöдчыны предпринимательяс. Районса администрацияыс вот юкөнөн веськöдлыс И.Е.Гулынина пасийс, мый районын эм и предпринимательяслөн координационнöя сөвет. Гөсьтьяс юасисны, кызди сійö уджалö. Налы воис сьöлөм вылас, мый районса администрация олö сикт-посёлокса олысьяслөн тöжд-могьясөн. Кежавлісны и киподтуя йöзөн вöчöм козиньяс вузалан лавкаö.

Районса администрацияын аддысьлісны сиктса юралысьяскöд, райсöветса депутатьяскöд, общественнöя котырьясыс водзмöстчысьяскöд, предпринимательяскöд. Норвегияса гөсьтьяскöд отув уджалöм йылысь висьталіс «Изьватас» котырөн веськöдлыс Николай Рочев.

- Коми муын зэв пöся вочаалісны миянöс. Коми олысьяс восьсаөсь, шаньöсь. Тиян районнын казялөм бурö кутам висьтавны войвыв регионьясö ветлігьясөн, йöзкөд аддысьлігьясөн. Кодлөнкө бурис, гашкө, лөсялас и тиянлы. Тиян районкөд кутам ёртасыны да уджавны отув, мед войвыв да ылі сиктса олысьяслөн бурмис олөм, - пасийс профессор Тур Гертсен.

Марина ДАДАШОВА.  
Авторлөн снимокьяс вылын: гөсьтьяс юбрьяс сетан шöринын; нянь пöжаланінын;



ля отсалöны ичöт сиктьяслы. А мый позьö вöчны ас выньясөн? Колö котыртчыны районса администрациялы, общественнöя котырьяслы, предпринимательяслы да видзöдлыны, кызди бурмöдны сиктын олөм, кутшöм ашпöр уджö босьтыны сійö либö мөд сиктын, мыйөн отсалас район, кытчö шыöдчыны отсöгла. Ашпöр уджö босьтысьяслы колö отсавны этша вылö куим во. Уджалыштöм бöрын видзöдлыны, кызди отсавны водзö, гашкө, мыйкө вежыштны. Бизнес-балаяс колö лөсьöдны сиктлөн корöмгьяс серти. Карьяс дорыс сиктын сьöкыдлунья-

Арктикалөн университет, да корис миян районö, мед уджавны отув.

Ылісь вöм гөсьтьяс ветлісны Кужйö, «Кöлыся ва» ключ дорö. Районса культура керкаыс уджалысьяс тöдмöдісны найöс коми көлысь ворсануöданногөн. Районса администрацияыс общественностькөд да том йöзкөд туйвизь юкөнныс медшöр специалист Юлия Мальшева висьталіс вежа ва ключ йылысь важ йöзлысь казытылөм. Волісны и Кулөмдіна нянь пöжаланіно. Котырөн веськöдлыс И.И.Шахова тöдмöдіс коми пöжасьясөн, висьталіс уджалöм, быдсыма кон-